

# Uganda – ord perspectivas generalas

Observaziuns ed impressiuns d'ina tiara africana.

GIUSEP CAPAUL/FMR

*Clau Derungs*, da Tersnaus a Malters, viseta dapi 14 onns regularme in la tiara africana Uganda che ha 47 milliuns habitonts. En quella ha sia feglia *Claudia* eregiu e meina – ensemen cun siu partenari *Daniel Plattner* – e sustegn finanziel d'ina gronda ova d'agid persuerter en Svizra il vast project NJUBA a Kasubikamu-Buwana, principalme in per scolar paupers affons e giuvenils ugandes.

## La lavur prestien oravontut las dunnas

Las famiglias vivan en Uganda dalla produziun agrara. Biars umens ein i ella capitala Kampala, che sesanfla ella vischinonza dil Lag da Victoria, cun la speranza d'anflar leu lavur. Las dunnas ein restadas a casa, han quita dils affons, dallas casas e dallas raccoltas. Ellas san quintar mo cun pauc sustegn dils umens. Las biaras famiglias vivan silla tiara. La populaziun d'Uganda ei fetg giuvna e crescha spert. La part da quels sut 15 onns fa ora 46,5%, prest la mesadad.

## Corona ha fatg gronds fastedis

Corona ha caschunau 2020 e 2021 bia problems ch'era NJUBA ha sentiu. En buc in'otra tiara ein las scolas stadas serradas aschi ditg sco en Uganda. Bunamein dus onns han 15 milliuns scolars stuiu star a casa. Biars ein buca returnai pli. Ils geniturs han buca saviu pagar la taxa. Ed ils scolasts han tschercau auters jobs.

Tuttina ha NJUBA offeriu in homeschooling, aschia ch'ins ha saviu garantir in di ad jamna scola e reservau quel per zacons sculems. Vitier vegn che NJUBA segida era, sch'affons vegnan malsaus e drovan agid muort lur impediments. Ins ha numnadamein constatau co corona ha fatg veseivla la pupira, catschau aunc biars en paupradad e caschunau situaziuns fetg fragilas.

NJUBA ha – sper la scolaziun – era lantschau projects per survivor tras aua, higiena, sanadad, nutriment e svilup economic en ina regiun. Da quei grond agid profiteschian biars carstgauns en Uganda.

## Indigens – tuttina optimists pigl avegnir

L'Africa vala sco il pli pauper continent dil mund. Mintga secund carstgaun en stadis sut la Sahara viva sut ils cunfins da paupradad. Il pli fetg ein dunnas ed affons pertuccai. La



Vid construir in tetg.

FOTO MAD

maioritad dils habitonts d'Uganda ein affons sut 18 onns. Duas tiarzas dils Ugandes, che vivan sut il cunfin da paupradad, ein affons.

Clau Derungs ei impressiunau – suenter sia dimora da treis meins en Uganda – dallas cundiziuns da viver dils habitonts dad Uganda, mo da l'otra vart era dil plascher da viver ed optimissem, cul qual biars da leuen miran egl avegnir. Quel ei fetg ferm. Inaga dapli ei Clau Derungs staus surpris fetg digl engaschament dils responsabels dil project NJUBA e siu team. Davos quel stattan bia carezia e lavur, savend gidar nuncumplecadamein cars-tgauns en gronds basegns. Mintga donaziun motivescha da cuntinuar, possibilitond in engaschi impurtont e cuzzeivel en Uganda.

## Uss ei era Ebola rutta ora

Dapi il settember ei Ebola (virus) rutta ora en Uganda. Tochen oz ha ei dau 32 morts. Era sche la situaziun ei buc alarmonta, ein las scolas vegnidas serradas quels dis, probabel per tochen l'entschatta fevrer 2023.

Il lockdown (scamond da sortir) ei vegniu slargiau en Uganda. La feglia da Clau Derungs, *Claudia* cun sia famiglia, ha perquei saviu turnar uonn – suenter treis onns – per in congedi en Svizra e stada durent quater jamnas en nossa tiara. La fin da november eis ella puspè returnada en Uganda. Avon in onn ha sia famiglia priu si (adoptau) in affon anflau (Findelkind), senza saver tgi che quei ei insumma e dau alla buoba da dus onns il num Luna.

## Agid e sustegn

L'ovra NJUBA (=sulegl) ei vegnida fundada 2008 da *Claudia Derungs* e siu partenari *Daniel Plattner* a Malters sco ova d'agid per affons basignus en Uganda. En quei vitg lucernes secatta la sedia dall'instituziun. Dapi 2009 habiteschan ils fundaturs cun lur dus affons en Uganda e meinan il grond project da NJUBA. El center da quel stattan principalme in scolaziun e perfecziun per scolars e giuvenils, specialme in paupers e disavantagiat. En tut frequentan pli che 400 affons denter 3-12 onns las scolas da NJUBA. Peisa vegn mess oravontut sin qualitad, surtut tras scolaziun, mo era silla sanadad.

In grond agid per l'ovra ei era Clau Derungs. El ei serendius savens en Uganda, segidaus fetg ed ha procurau reguladamein tras circularas per informar oreifer ils commembers dalla Uniun da sustegn. El ha gronds merets per il prosperar da quella ova d'agid.